

# DÊPÄ TÎ PÖPÖKÖDÖRÖ TÎ NDIÄ TÎ BATA NENGÖ TERÊ TÎ ZO

## TAKAPA

Na hïngängö bïanî atene nêngö terê tî zo na lïngbïngö terê tî ângangü tî lo laâ sî ayeke na gündâ tî zarä , tî nzönî ngbanga na tî sîrîrî na ndö tî dünîa,

Na hïngängö nî pëpëe na këngö ândiä tî bata nêngö terê tî zo laâ adü kpälë tî birä sô abi ngonzo na bê tî âhalëzo, ngâ sî gängö tî mbênî finî ködörö sô âhalëzo kûe alïngbi tî tene tënë tî bê tî âla, tî mähê tî âla afa nî tïngana taâ kötâ békü tî âzo tî ndö tî gïgî,

Ayeke kötâ yê mïngi tî tene azî lë na ndö tî ândiä tî bata nêngö terê tî zo gï na lëngö mbênî gerê tî ndiä ndâli tî sïönî sêgbiä na lëngö pâsi,

Na hïngängö nî atene ayeke kötâ yê mïngi tî mü ngangü na mäïngö tî lëngö söngö na pöpö tî ködörö ndê ndê,

Na hïngängö nî atene na yâ tî sëndiä halëzo tî bëndö tî gïgî afa tî finî nî mähê tî âla na âtaâ ndiä tî zo , na nêngö terê ngâ na kötâ tî zo na lïngbïngö terê tî ângangü tî kôlî na wâlî, sî âla atene ânî yeke sâra ngangü kûe tî mäïngö tî sêduti tî zo na lëngö ânzönî lëgë tî dutî na yâ tî mbênî kötâ zarä ,

Na hïngängö nî atene âködörö sô abüngbi amü yângâ tî lë kpëngö ndiä tî bata nêngö terê tî zo na zarä tî lo na yâ tî kua tî mabôko na mabôko na büngbi tî bëndö tî gïgî,

Na hïngängö atene mängbïngö bê na ândiä sô na âzarä sô ngâ ayeke bïanî ngangü yê mïngi tî sâra kua sô gï na pekö tî yângâ sô âla mü,

Kötâ Lïngö

Avûnga

Dêpä tî pöpöködörö tî bätängö nêngö terê tî zo sô

tïngana kunibê sô halëzo na âködörö kûe alïngbi tî wara, sî âzo kûe ngâ na âkündü tî bôso kûe asâra ngangü, na lëgë tî fängö mbëtî na fängö-ndo, tî lë kpëngö ândiä na âzarä sô ngâ tî sâra na kodë tî ândiä tî ködörö wala tî pöpöködörö tî tene ayêka nî ngâ sî alë tambûla nî na ndo kûe, na pöpö tî halëzo na letäa nî sô alü mbere nî, tïngana âla sô angbâ na gbe tî lë tî âla.

## **Sura 1**

Adü âzo kûê yamba, ngâ âla lîngbi terê na lêgê tî nêngö-terê na tî ângangü. Ala kûê awara ndarä na börö-li sî âla lîngbi tî dutî na âmbâ tî âla gî na lêngö söngö.

## **Sura 2**

Zo ôko ôko alîngbi tî pîka kate na ndö tî ângangü sô dêpä avûnga, na särängö kângbi ôko pëpë wala na ndö tî tenë tî marä, wala tî nzorôko tî terê wala tî ndiä wala tî kôlî na wâlî tî yângâ ködörö wala tî mosoro, tî ndo tî düngö wala tî marä dutî,

Na ndönî kûê, alîngbi tî sâra mbênî kângbi ôko pëpë sô alöndö na ndö tî tenë tî porosö wala tî ndiä wala tî pöpöködörö, tî mbênî zo wala tî mbênî ködörö nî sô alîngbi tî dutî lipandä wala na gbe lê tî mbênî ködörö wala sô ayeke na kpälë tî sêgbä.

## **Sura 3**

Zo kûê ayeke na ngangü tî dutî na finî tî lo, tî dutî yamba na tî dutî na mbeto tî wara siönî pëpëe.

## **Sura 4**

Zo ôko alîngbi tî dutî na gbe tî ngbâa pëpëe. Akânga lêgê bîanî na dutî tî ngbâa ngâ na dêngö buzë tî kängö zo na ngbâa.

## **Sura 5**

Zo ôko alîngbi tî sâra mbâ tî lo na pâsi tî ponön wala na pâsi tî finön pëpëe.

## **Sura 6**

Zo kûê ayeke na ngangü tî tene ndiä abata lo na âsiönî lâkûê na ndo kûê.

## Sura 7

Azo kûe alîngbi terê na lê tî ndiä, ngâ âla yeke na ngangü lêgë ôko na särängö kângbi ôko pëpëe. Amû na âla ngangü na sêbätängö terë lêgë ôko, na tënë tî kângbi tî marä sô alîngbi tî fîngi dëpä sô ngâ na tënë tî gingö lêgë tî kângbi tî marä sô.

## Sura 8

Zo kûe alîngbi tî lî ngbanga na âdangbanga tî ködörö tî lo tóngana âzo akpë pëpëe ângangü sô sêndiä tî ködörö tî lo amû na lo.

## Sura 9

Alîngbi ôko pëpëe tî gbû zo na kânga wala tî bata lo na kânga wala tî tokua zo yongôro na ködörö tî lo gi sêngê sêngê, tóngana ndâ nî ayeke da pëpëe.

## Sura 10

Zo kûe ayeke na ngangü, lêgë ôko na âmbâ tî lo, tî tene amä polêlê tënë tî yângâ tî lo na lê tî boro ngbanga sô fadë afa ânde wala ângangü wala âkuandiä tî lo wala tóngana pängö ïrî na tënë sô alî ngbanga da na ndö tî lo sô ayeke mbîrîmbîrî.

## Sura 11

1. Zo kûe sô apä ïrî tî lo na ndö tî mbênî kpälê angbâ mokondö asî na ngô sô afa na lêgë tî ndiä atene lo sâra siônî, na lê tî mbênî ngbanga tî polêlê sô âwakokö kûe adu da na pekö tî lo.
2. Alîngbi pëpëe tî kânga zo ndâli tî âyê sô lo sâra wala tî bêgirisa sô, na ngô sô asî sô, ndiä tî ködörö wala ndiä tî pöpöködörö afa nî tóngana kpälê pëpëe. Lêgë ôko, alîngbi tî dîko pëpëe mbênî ponön sô akono ahön ndö tî lo sô ayeke dë ka nî na ngô sô zo asâra kpälê sô.

## Sura 12

Alîngbi ôko pëpëe tî yôro terê na mbänä na yâ tî sêduti tî zo wala tî sëwa tî lo wala tî da tî lo wala tî dîko mbëtisû tî lo. Alîngbi pëpëe tî buba ïrî tî zo ngâ na wüngö tî ïrî tî lo. Zo kûê ayeke na ngangü tî tene ndiä abata lo ngbanga tî âmarä kpälë töngasö.

## Sura 13

1. Zo kûê ayeke na ngangü tî fonon yamba na yâ tî ködörösêse kûê. Lo yeke ngâ na ngangü tî soro ndo tî duti tî lo na yâ tî mbênî ködörösêse.
2. Zo kûê ayeke na ngangü tî sigî na yâ tî ködörösêse kûê atâ adu ködörösêse tî lo, ngâ tî kîri na ködörösêse nî töngana sô bê tî lo ayê.

## Sura 14

1. Na yâ tî ponön tî hongando, amû lëgë na zo kuê tî gi ndo tî duti da ngâ lo lîngbi tî wara nî na ködörösêse wandê.
2. Alîngbi pëpëe tî mû ngangü sô na wakpälë tî fängö zo wala na zo tî särängö âyë sô ague pëpëe na lëgë tî âpo na âkunibê tî bûngbi tî bendo tî gîgî.

## Sura 15

1. Amû ngangü na zo kûê tî tene lo du zo tî mbênî ködörösêse.
2. Alîngbi pëpëe tî gbânzi mbêni zo na mbänä tî du waködörösêse ngâ na ngangü tî gbîan ködörösêse tî lo.

## Sura 16

1. Asî na ngöi sô âla lîngbi tî mû terê, amû ngangü na köli na wâli tî mû terê töngana köli na wâli, si âla lë sewä sêngê, tënë tî marä wala tî ködörösêse wala tî mâbë alîngbi tî kânga lëgë nî pëpëe. Na mbâgë tî

müngö terê, amû ngangü, lëgë ôko na kôlî na wâlî na yâ tî dutîngö tî âla ngâ na këngbîngö tî âla.

2. Kôlî na wâlî alîngbi tî mû terê gi tîngana bê tî âla ûse kûê ayê tënë nî bîanî.
3. Sëwä ayeke na gündâ tî halëzo. Ni laâ, amû ngangü na letäa ngâ na âzo kûê tî tene âla bata nî ngangü.

## **Sura 17**

1. Zo kûê wala lo dutî na bôsôngbi wala lo dutî lo ôko ayeke na ngangü tî wara âkûngbâ tî lo mvenî.
2. Alîngbi pëpëe tî mû âkûngba tî mbênî zo na ngangü na mabôko tî lo.

## **Sura 18**

Amû na zo kûê zarä tî bibê, tî boro-li na tî mähê ; ngangü sô afa atene zo kûê ayeke na zarä tî gbîan mähê tî lo, wala bibê tî lo ngâ na zarä tî fa polêlê mähê ti lo, lo ôko wala na yâ tî mbênî bûngbi, polêlê wala koiko, na lëgë tî fängö mbëtî, tî särängö yê, tî vöröngö nzapä ngâ na särängö ângôbo.

## **Sura 19**

Amû na zo kûê ngangü tî zarä tî bibê na tî särängö tënë. Sô atene alîngbi tî doroko zo pëpëe ndâli tî âbibê tî lo. Amû ngâ na zo kûê ngangü tî gi, tî wara na tî vûnga âsango na âkodë na âmarä lëgë kûê, na zïängö bê pëpëe na ndö tî tënë tî âmeke.

## **Sura 20**

1. Amû na zo kûê ngangü tî zarä tî gbê lîngö, tî lî na yâ tî bôsôngbi tî sîrîrî.
2. Alîngbi pëpëe tî gbû zo na ngangü tî lî na yâ tî mbênî bôsôngbi.

## **Sura 21**

1. Amû na zo kûê ngangü tî sâra kua tî lêngö ködörö tî lo, wala lo mvenî wala na lêngë tî âwasêlê sô asoro âla yamba.
2. Amû na zo kûê ngangü tî wara kua na yâ tî ndokua tî letäa, lêngë ôko na âmbâ tî lo.
3. Kunibê tî halëzo ayeke na gündâ tî ngangü tî awalêngö ködörö. Kunibê sô alîngbi tî fa gî na lêngë tî aboro soro sô ayeke bâa gîgî ngöi na ngöi, na lêge tî gbegö mobimba ngâ na köbö soro wala na mbênî ngöbo sô amû ngangü tî zarä tî soro.

## Sura 22

Zo kûê tóngana wabôso tî halëzo ayeke na ngangü na kodëkua tî bätängö terë. Alöndö na âbängö nzönî na pekö tî ângangü tî mosoro, tî zängbingörö terë, tî ndara sô ayeke kötâ yê ndâli tî nêngö terë na boro mäïngö tî sêterë tî lo; gî na lêngë tî gbüngö mbîrîmbîri kua tî ködörö ngâ na tî tängbingö kua na âködörö wandë sô abâa dôngôngbi na môsôrö tî ködörö ôko ôko.

## Sura 23

1. Amû na zo kûê ngangü tî sâra kua, na zarä tî söröngö kua tî bê tî lo, na yâ tî boro ngâ na nzönî gerê tî kua. Alîngbi ngâ tî bata zo ngbanga tî tënë tî ponön tî särängö kua pëpëe.
2. Zo kûe alîngbi tî wara boro nginza tî kua sô alîngbi na kua sô lo sâra
3. Zo sô asâra kua alîngbî tî wara boro nginza tî kua sô alîngbi tî tene lo na âsëwä tî lo adutî na yâ tî nêngö terë. Na ndönî kûê, amû na lo anzîna ngangü tî sêbätängö terë.
4. Zo kûê awara ngangü tî kîi na âmbâ tî lo âbûngbi tî âwakua, ngâ tî lî bûngbi na âmbênî âbûngbi tî âwakua ngbanga tî gbüngö kokö tî âla.

## Sura 24

Amû na zo kûe ngangü tî woterë tî lo, tî sâra ngîâ ngâ. Sô atene alîngbi tî dë gi na lêgë nî längö kâpä tî kua ngâ na âlängö tî wöngö terê sô afûta nî.

## Sura 25

1. Zo kûe alîngbi tî wara ngingza sô alîngbi na lo sî lo lë sênî tî lo, nzônî dutî tî lo ngâ na tî sewä tî lo bianî na lêgë tî têngö kôbe, yüngö bongö, müngö yoro ngâ na zängbîngö terê. Amû na lo ngangü tî bâa nzônî na lêgë tî zangbîngö terê na ngôi sô lo du na kua pëpëe, wala na ngôi tî söngö terê wala ngbanga tî zën, wala ngbanga tî ndü, tî kangba wala na yâ tî âmbênî ngôi sô zo nî ayeke na mbênî lêgë tî bätängö na finî tî lo pëpëe, na pekô tî âmbênî sïökpälë sô asî na lo.
2. Awâli tî ngo na âmolengê tî âla alîngbi tî wara taâ nzônî na kua tî zängbîngö ndo. Amôlengê kûe, wala adü âla na yâ tî müngö terê wala adü âla da pëpëe ayeke na ngangü na nî lêgë ôko.

## Sura 26

1. Amû na zo kûe ngangü tî mändängö mbetî. Ayeke fûta mändängö mbetî nî pëpëe, mbîrîmbîrî na âkêtê dambetî. Mändängö kodëyê na kodëkua alîngbi tî gbû ndo kûe. Zo kûe alîngbi tî manda mbetî na kötâ dambetî, gi na lêgë tî kodë tî lo na hîngängö ndo tî lo.
2. Fängö mbetî alîngbi tî gue na lêgë tî kono sêterê tî âzo ngâ tî kono ndiä tî bätängö nëngö terê tî âzo . Lo lîngbi ngâ tî mü lêgë tî kpêngba mängö terê, vürüngö bê na sôngö na pöpö tî âködörösêse tî âmarä wala âmabë ndê ndê ngâ na mäingö âkua tî bûngbi tî bendo tî gîgî ngbanga tî bata sîrîrî.
3. Awadüngö môlengê âmvenî alîngbi tî soro yamba kodë lêgé tî fängö hîngägö ndo na âmôlengê tî âla.

## Sura 27

1. Zo kûê ayeke na ngangü tî lë kua tî sêndâgâo tî âsöngö tî lo, tî tene lo wara âpendere yê tî ködörö tî lo na lo zîa mabôko na mäingö tî âsêndâyê ngâ na lo bâa nzönî na pekô nî.
2. Amû na zo ôko ôko ngangü tî sêbätängö ânzönî yê tî lo sô alîngbi tî dutî âkûngbâ wala âbibê ti lo-mvenî. Anzönî yê sô alîngbi tî löndö na pekô tî âkodëkua, asêndâyê, âsêndâsû wala tî sêndâgâo sô lo mvenî lo sâra.

## Sura 28

Tî tene âzo akpë ângangü sô afa ge sô, ayeke nzönî mbênî dôngôngbi adu da sô alîngbi tî bata nî. Dôngôngbi sô alîngbi tî dutî na yâ tî ködörö nî tóngana na yâ tî dúnîa mobimba.

## Sura 29

1. Zo ayeke na âhonga na mbâgë tî bôso sô lo du da sî lo mâi da yamba . Nî laâ sî alîngbi tî mû na lo lëgë tî tene sêterê tî lo amâi nzönî bîanî.
2. Ndiâ alîngbi tî lë ângangü tî bätängö nëngö terê tî zo . Lo lingbi ngâ tî mû lëgë na zo ôko ôko tî kpë âmbâ tî lo ngâ tî tene âmbâ tî lo akpë lo.
3. Ângangü sô na âzarä sô alîngbi ôko pëpë tî fîngi âwêsêlô, âpö, na gbegôndiä tî bûngbi tî bëndö tî gîgî mobimba.

## Sura 30

Mbênî ködörösêse ôko pëpëe wala mbênî zo tî gîgî ôko alîngbi pëpëe tî buba lëgë tî ândiä sô afa ge na yâ tî mbëtî-dêpä sô.